

Headlines

- ۱۔ وزیر اعظم نریندر مو دی نے مَن کی بات پروگرام مانہہ اپنا خیالات سانجہ کرتاں واں کہیو ہے جے مُلک خلائی ٹیکنالوجی مانہہ نواں معیار قائم کر رہیو ہے۔
 - ۲۔ وزیر اعظم نریندر مو دی نے 75 واں یوم جمہو ریہ ور عوام نانہہ پیشگی مبارک دتی ہے۔
 - ۳۔ مرکزی وزیر داخلہ امت شاہ نے بڈھال راجو ری مانہہ پُر اسرار بیماری سنگ ہوئی اموات غو پتو لان غی خاطر اک بین وزارتی ٹیم تشکیل دین غو حکم دتو ہے۔
 - ۴۔ چیف سیکریٹری اٹل ڈلو نے انجی کھڈ تے چناب ریلوے پُلاں غو دورو لایو، کٹڑا بڈگام حصہ ور آزمانشی ریل گڈی غو آج کامیاب تجربو کیو گیو ہے۔
 - ۵۔ تے محکمہ موسمیات نے آئندہ کل تیں ہلکی بارشاں تے برفباری غی پیشنگوی کی ہے۔
- خبریں غی تفصیل نال پہلاں باغ علی طاہر۔

PM Mann Ki Baat

وزیر اعظم نریندر مو دی غو کہنو ہے جے بھارت خلائی ٹیکنالوجی مانہہ نووں معیار قائم کر رہیو ہے، جس مانہہ قابل ساتینسدان تے جدید کار نوین للکاراں غو حل تلاش کر رہیا ہیں۔ آکاشواںی تیں اپنا 1 سو 18 واں ماہانہ ریڈیو پروگرام مانہہ بولتاں واں وزیر اعظم نے خلائی سیکٹر مانہہ قومی حصولیابیاں غی سراہنا کی۔ انہاں نے مصنوعی سیارچاں غی خلائی ڈاکینگ غی سراہنا کرتاں واں کہیو ہے یاہ ٹیکنالوجی خلاء مانہہ سپلائی تے خلائی عملہ واسطے بڑی اہم ہے۔

وزیر اعظم نے کہیو۔ بانٹ۔ وزیر اعظم نے 75 واں یوم جمہو ریہ غی پیشگی مبارکباد دیتاں واں کہیو ہے اس سال غی یوم جمہو ریہ غی تقریبات خصوصی اہمیت رکھیں، کیونجے اس سال آئین ہندلاگو ہون غا 75 بہرا پورا ہو گیا ہیں۔ جناب مو دی نے آئن ہند ترتیب دین آلا آئن ساز اسمبلی نانہہ سلام کرتاں واں بابا صاحب امبیڈکر، ڈاکٹر راجندر پر ساد تے ڈاکٹر شیاما پر ساد مکھرجی نانہہ یاد کیو۔ انہاں نے کہیو ہے مُلک غا شہریاں نانہہ اہم عظیم لیڈراں تیں تحریک حاصل کرن غی لوڑ ہے۔ وزیر اعظم نے آئندہ 25 جنوری نانہہ رائے دہندگان غا قومی دن غی اہمیت ور لوہ پاتاں واں اس طرح کہیو۔ بانٹ۔ وزیر اعظم غو کہنو تھو جے مہا کُنہہ میلو بروبری تے ہم آہنگی غو اک غیر معمولی ملن ہے۔ اُن غو کہنو تھو جے کُنہہ میلو رنگا رنگی مانہہ یگانگت غو مظہر ہے تے لوگ اس سنگم غی ریت ور جمع ہوا ہیں۔ وزیر اعظم نے کہیو۔ بانٹ۔

Amit Shah Rajouri

مرکزی وزیر داخلہ امت شاہ نے راجو ری بُدھل مانہہ اک پُر اسرار بیماری سنگ ہوئی اموات غی تحقیقات غی خاطر اک بین وزارتی ٹیم تشکیل دین غو حکم دتو ہے۔ واضع رہ جے اس پُر اسرار بیماری غی وجہ نال 2 مہیناں تیں کھٹ عرصہ غے اندر 16 افراد غی جان جا چکی ہیں۔ وزارت داخلہ غی قیادت مانہہ جہیڑی ٹیم اس متاثرہ علاقہ غو دورو کر رہی اُس مانہہ صحت، ذراعت تے کیمائی بیلاں غا محکماں تیں علاوہ آبی وسائل محکمہ غا ماہرین شامل ہیں۔ اس توں علاوہ مال چوکھر پالن تے خوراک تحفظ محکماں نالے فارنسک سائنس شعبہ غا ماہرین وی اس مرکزی ٹیم مانہہ شامل ہیں۔ اسے دوران لیفٹنٹ گورنر منوج سنہانے ماہرین غی ٹیم متاثرہ گراں در روانہ کرن ور وزیر داخلہ غو شکریو ادا کیو ہے۔ اواں جموں کشمیر پولیس غی طرفوں تشکیل دتی گئی خصوصی تحقیقاتی ٹیم ایس آئی ٹی نے کئی مشکوک افراد نانہہ اس معاملہ بارے پوچھ تاچھ غی خاطر حراست مانہہ لیو ہے۔

Special Services Mahakumb

اک اہم پیش رفت گا طور ور جے کے آر ٹی سی نے جموں تیں پریاگراج مہا کُنبھ میلہ سال 2025 واسطے خصوصی بس خدمت شروع کی ہیں۔ ٹرانسپورٹ محکمہ گا وزیر ستیش شرما نے جموں بس اڈہ تیں جھنڈی دس غے اس خصوصی بس خدمت غو آغاز کیو ہے۔ یاہ بس ہر روز سویرے 5 بجے یا تریاں نانہ لے غے روانہ وے گی۔ اس سلسلہ مانہہ قیو آر کوڈس غے ذریعے آن لائن آدائیگیاں نانہہ متعارف کرایو گیو ہے۔ اسے دوران شمالی ریلویز نے شری ماتا ویشنو دیوی کٹڑہ تے پریاگراج بشکار 3 خصوصی ریل گڈیں چلان غو وی اعلان کیو ہے، تانجے کُنبھ میلہ مانہہ شرکت کرن آلا یا تریاں نانہہ سہولت دتی جا سکے۔ اس سلسلہ مانہہ پہلی ریل گڈی آئندہ 24 جنوری نانہہ سویرے 3 بج غے 50 منٹ ور شری ماتا ویشنو دیوی کٹڑہ تیں روانہ کی جائے گی۔ جھیڑی پریاگراج تیں 25 جنوری نانہہ واپسی غو سفر کرے گی۔ اس راہ دوجی 2 ریل گڈیں آئندہ فروری مہینہ غی 7 تے 14 تا ریخاں نانہہ روانہ کی جائیں گی۔ یہ دوئے ریل گڈیں وی کٹڑہ ریلوے سٹیشن تیں سویرے 3 بج غے 50 منٹ ور روانہ ویں گی۔ جد کہ ان غو واپسی غو سفر با الترتیب 8 تے 15 فروری نانہہ شام ساڈھا 7 بجے پریاگراج تیں شروع وے گو۔

مزید خبراں نال محبوب سلطانی۔ ور اُس تیں پہلاں یوہ پیغام۔ (یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب ہیں، اس (تیں یہ خبر مہاری موبائل ایپ تے ڈی ٹی ایچ ور وی دستیاب ہیں

CS Anji Khad Visit

جموں کشمیر یوٹی مانہہ رابطاں نانہہ مزید بدھایا جان غا سلسلہ مانہہ چیف سیکریٹری اٹل ڈلو نے آج آنجی کھڈ نالہ تے دریائے چناب ور بنایا گیا پُلان غو دورو لان غے علا وہ سرینگر بارہمولہ ریل رابطہ پروجیکٹ غو دورو لایو۔ اپنا دورہ غے دوران انہاں نے اس پروجیکٹ ور چل رہیا کماں غی پیش رفت غو جائزولیتاں واں تسلی غو اظہار کیو۔ انہاں نے ان اہم ٹانچاں غی تاؤلاں تکمیل ور پھروسو ظاہر کیو ہے۔ اس موقعہ ور بولتاں واں چیف سیکریٹری غو کہنو تھو۔۔۔ بانٹ۔۔۔ اسے دوران اُدھم پور سرینگر بارہمولہ ریل رابطہ غا کٹڑہ بڈگام حصہ ور آزمائشی ریل گڈی چلایا جان غو آج کامیاب تجربو کیو گیو ہے۔ 18 ڈپاں ور مشتمل اس ریل گڈی نانہہ آج سویرے 8 بجے کٹڑہ ریلوے سٹیشن تیں کشمیر در روانہ کیو گیو۔ تے اس راہ یاہ ریل گڈی کامیابی سنگ بڈگام پُچ گئی۔ اس راہ یوایس بی آر ایل ور یوہ آخری تجربو وی مکمل کر ليو گیو ہے۔ اس با رے ریلوے محکمہ گا متعلقہ نگران افسراں نے جانکاری دتی ہے۔

Announcement

ریجنل نیوز یونٹ آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غو پینل بنان غی خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امید وار درخواست دے سکیں گا جھیڑا ضلع کٹھوعہ غا بسنیک ویں، تے اُن غی عمر غی حد 24 بہراں تیں 50 بہراں توڑی مقرر کی گئی ہے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یاہ صحافت غا شعبہ مانہہ ڈگری یاہ فر کسے وی تسلیم شدہ یونیورسٹی تیں گریجویشن غے ہمراہ 2 بہراں غو صحافت مانہہ تجربو مقرر کی گئی ہے۔ استوں علا وہ کمپیوٹر تے ورڈ پروسنگ نالے خبر اکھٹی کرن آلا آلات تے میڈیا کو ریج مانہہ تجربو وی ضروری رکھیو گیو ہے۔ عارضی نامہ نگار غی پوسٹ مانہہ دلچسپی رکھن آلا امید وار واسطے لازمی ہے جے وے ضلع صد دفتر کٹھوعہ یاہ اس تیں 10 کلو میٹر غا دائرہ غے اندر رہائش پزیر وے۔ اس سلسلہ مانہہ درخواست غی بارڈ کا پی ضروری دستاویزات غے ہمراہ

ہیڈ نیوز ریجنل نیوز یونٹ آکاشوانی پنج تیرتھی جموں ماہہ بذاتِ خود آئندہ 15 فروری توڑی دینی ویگی۔ اس بارے مزید جانکاری ویب سائٹ www.newsonair.gov.in ور دستیاب ہے۔

Udh Bridge

ضلع اڈھم پور ماہہ قومی شاہراہ 244 غا چینی سڈھ ماہا دیو سیکشن ور پُل ناہہ گڈیاں غی او جانی واسطے کھول دتو گیو ہے، اس پُل سنگ چینی، سڈھ ماہا دیو سیکشن ور رابطہ ناہہ مزید بہتر بنایو جا سکے گو جس سنگ علاقہ ماہہ موجود مذہبی تے سیاحتی مقامات ور عقیدت مندان تے سیلانیاں غی تعداد ماہہ مزید بابدو وے گو۔ اس ضمن ماہہ ذرائع ابلاغ غا نمائندہ سنگ گل کرتاں واں ماہہ ڈپٹی کمشنر اڈھمپور سلونی رائے نے اس طرح کہیو۔ بائٹ۔

Cycle Journey

جموں کشمیر غا 55 بہراں توں متی عمر غا بزرگ شہریاں غا اک گروپ نے کشمیر توں کنیا کماری توڑی سائیکل غے ذریعے سفر ناہہ شروع کیو ہے، جس غو مقصد بھارت ناہہ آلودگی توں پاک بنان غا پیغام ناہہ عام کرنو تے تندرستی ناہہ بابدو دینو ہے۔ یوہ سفر 16 جنوری ناہہ شروع کیو گیو تھو جس غو اج جموں پُجن ور گرم جوشی سنگ استقبال کیو گیو۔ اے ڈی جی پی جموں زون انڈ جین نے اس جاری سفر ناہہ جھنڈی دس غے اُن غی بیداری بارے کو ششان غی سراہنا کی تا نجے ماحولیاتی تحفظ ناہہ فروغ دتو جا سکے۔ اس موقعہ ور بولتیاں واں اے ڈی جی پی انڈ جین غو کہنو تھو۔ بائٹ۔

Weather

محکمہ موسمیات نے 20 تے 21 جنوری ناہہ ہلکی بارش تے اُچیراں علاقاں ور برفباری غی پیشنگونی کی ہے۔ اس ضمن ماہہ مزید دسیو گیو ہے جے 22 جنوری تے 23 جنوری ناہہ جموں غا میدانی علاقاں ماہہ ہلکی توں درمیانہ درجہ غی بارش ہو سکے جد کہ اُچیرا علاقاں ماہہ برفباری ہو سکے۔ اُنگان جموں سرینگر قومی شاہراہ ناہہ گڈیاں غی او جانی واسطے دوئے پاساں توں کھلو رکھیو گیو ہے تے مسافراں ناہہ مشورو دتو جائے جے وے قومی شاہراہ ور اپنا سفر ناہہ تہاڑی کرن ناہہ ترجیح دین تے نظم و ضبط غی پابندی کریں۔ اس سلسلہ ماہہ مزید دسیو گیو ہے جے راجو ری پونچھ ضلعان ناہہ کشمیر غا شوپیاں ضلع سنگ جوڑن آلی تاریخی مغل شاہراہ ناہہ برفباری غی وجہ توں بند رکھیو گیو ہے۔

خاص خاص خبر اک وری فر سن لیو۔

- 1۔ وزیر اعظم نریندر مو دی نے مَن کی بات پروگرام ماہہ اپنا خیالات سانجہ کرتاں واں کہیو ہے جے مُلک خلائی ٹیکنالوجی ماہہ نواں معیار قائم کر رہیو ہے۔
- 2۔ وزیر اعظم نریندر مو دی نے 75 واں یوم جمہوریہ ور عوام ناہہ پیشگی مبارک دتی ہے۔
- 3۔ مرکزی وزیر داخلہ امت شاہ نے بڈھال راجو ری ماہہ پُر آسرار بیماری سنگ ہوئی اموات غو پتو لان غی خاطر اک بین وزارتی ٹیم تشکیل دین غو حکم دتو ہے۔
- 4۔ چیف سیکریٹری اٹل ٹلو نے انجی کھڈ تے چناب ریلوے پُلاں غو دورو لایو، کٹڑا بڈگام حصہ ور آزمائشی ریل گڈی غو آج کامیاب تجربو کیو گیو ہے۔
- 5۔ تے محکمہ موسمیات نے آئندہ کل تین ہلکی بارشاں تے برفباری غی پیشنگونی کی ہ